

ԺՈՂՈՎՈՒՐԴՆԵՐԻ ԻՆՔՍՈՐՈՇՄԱՆ ՍԿԶԲՈՒՆՔԻ ԻՐԱՑՄԱՆ ՀԻՄԱԽՆԴԻՐՆԵՐԻ ԼՈՒԾՄԱՆ ԵՂԱՆԱԿՆԵ- ՐԸ ՊԵՏՈՒԹՅՈՒՆՆԵՐԻ ԱՐԴԻ ՊՐԱԿՏԻԿԱՅՈՒՄ

Սարինա Մադոյան

ԵՊՀ Եկորապական և միջազգային իրավունքի ամբիոնի հայցորդ

Ժողովուրդների իրավահավասարության և ինքնորոշման սկզբունքը՝ որպես միջազգային իրավունքի հիմնարար սկզբունք, հաստատվեց ՄԱԿ-ի կանոնադրությամբ 1945 թ.: Սակայն դեռևս 19-րդ դարում հենց այս իրավունքի իրացումն էր ընկած ազգային պետությունների ստադման հիմքում, երբ Նիդերլանդներից անջատվեց Բելգիան, Թուրքիայից՝ Հունաստանը, Բուլղարիան, Ռումինիան, Սերբիան, Մոնտենեգրոն և այլք: Իսկ որանից առաջ՝ 18-19-րդ դր., Ամերիկյան մայրցամաքում ազատագրական պայքարի շնորհիվ ստեղծվեցին մի շարք նորանկախ պետություններ, այնինչ «ապագաղութացում» հասկացություն ընդհանրապես գոյություն չուներ: Այլ կերպ ասած՝ այս պետությունները ձևավորվեցին այն ժամանակաշրջանում, երբ միջազգային իրավունքում դեռևս չկար որևէ նորմ, որը սահմանափակ էր անկախ պետություն ստեղծելու իրավունքը, և այս պետությունների գոյությունը հաստատվեց ստեղծման փաստի ուժով:

Այսօր արդեն, երբ ինքնորոշման իրավունքը միջազգային իրավունքի հիմնարար սկզբունքներից մեկն է, շարունակվում են վեճերը և տարածայնությունները այս սկզբունքի բովանդակության և կիրառելիության շորոշ: Ավելին, վերջին ժամանակահատվածում աշխարհի տարրեր երկրներում տեղ գտած ինքնորոշման պահանջները առիթ են կրկին անդրադարձալու անկախ պետության ստեղծման խնդրին ապագաղութացման համատեքստից դուրս:

Սեցեսիան կարելի է բնութագրել որպես պետության տարածքի մի մասի անջատում, որը իրականացվում է տվյալ տարածքի մշտական բնակչության կողմից՝ անկախ պետություն ստեղծելու կամ այլ պետության հետ միավորվելու նպատակով: Միակողմանի սեցեսիան պետության տարածքի մի մասի անջատումն է՝ առանց նախորդ սուվերենի (մայր պետության) նախնական համաձայնության: Միջազգային իրավունքի տեսության մեջ հաճախ գործածվում է նաև «դեսլուցիա» տերմինը, որը բնութագրում է այն դեպքերը, երբ սեցեսիան իրականացվում է նախորդ ինքնիշխանի համաձայնությամբ: Սակայն նման տարանջատումը, մեր կարծիքով, այնքան էլ տեղին չէ, քանզի շատ դեպքերում միաժամանակ առկա են և՝ սեցեսիայի, և՝ դեսլուցիայի տարրեր: Մասնավորապես, միջազգային հարաբերությունների պրակտիկայում լինում են դեպքեր, երբ միակողմանի սեցեսիային ի վերջո համաձայնություն է տալիս նախկին ինքնիշխանը, ինչպես օրինակ Ինդոնեզիայի կամ Էրիթրեայի դեպքում, կամ սեցեսիան գուգորդվում է կամ հանգեցնում է մայր պետության փլուզմանը, օրինակ՝ ինչպես Սոցիալիստական Հարավսլավիայի դեպքում¹:

Միջազգագային իրավունքի տեսության մեջ և միջազգագային հարաբերությունների պրակտիկայում առավել խնդրահարուց է շարունակում մնալ միակողմանի

¹ Ste' u Crawford J., The creation of states in international law, Oxford 2006, էջ 375:

սեցեսիայի և ինքնորոշման իրավունքի կապը: Նախորդ ինքնիշխամի համաձայնության բացակայության պատճառով որոշ հեղինակներ միակողմանի սեցեսիան համարում են միջազգագային իրավունքի նորմերին հակասող:

Հաշվի առնելով Վերոգրյալը՝ այն հիմնական հարցը, որին կփորձենք անդրադառնալ, հետևյալն է՝ արդյո՞ք սեցեսիան հակասում է միջազգագային իրավունքի նորմերին:

Ինքնորոշման իրավունքի իրացումը կարող է հանգեցնել նաև անկախ պետության ստեղծման: Այս հանգամանքը հստակ արձանագրված է միջազգագային իրավական փաստաթղթերում: Սակայն որոշ հեղինակներ շարունակում են պնդել, որ միջազգագային իրավունքի տեսանկյունից «ժողովուրդ» եզրույթը Վերաբերում է միայն պետության ողջ բնակչությանը, այլ ոչ բնակչության մի մասին՝ հավելելով, որ միայն «ժողովուրդը» ունի ինքնորոշման իրավունքը:

Այս տեսանկյունից, թերևս, հիմնական միջազգագային փաստաթղթը Միջազգային իրավունքի սկզբունքների մասին 1970թ. հռչակագիր է, որը նախ սահմանում է, որ ինքնորոշման իրավունքը կարող է իրականացվել նաև անկախ պետություն ստեղծելով, այնուհետև ընդգծում է. «Ինքնորոշման իրավունքի վերաբերյալ ոչ մի դրույթ չպետք է մեկնաբանվի որպես թույլտվություն կամ խրախուսում որևէց գործողության, որը կտրոհի կամ ամբողջովին կամ մասամբ կվճակի այն ինքնիշխան և անկախ պետությունների տարածքային ամբողջականությունը կամ քաղաքական միասնությունը, որոնք գործում են ժողովուրդների իրավահավասարության և ինքնորոշման սկզբունքի հիմնա վրա, այնպես, ինչպես դա շարադրված է վերը, և արդյունքում ուժեն կառավարություն, որը ներկայացնում է տարածքին պատկանող ողջ ժողովուրդը՝ առանց ռասսայական, կրոնական կամ մաշկի գույնի տարբերակման»¹:

Իհարկե, 1970թ. Հռչակագրի այս դրույթը, կամ ինչպես այն անվանում են մասնագետները 5-րդ սկզբունքի 7-րդ պարագրաֆը, կարելի է մեկնաբանել տարբեր կերպ և զանազան տեսանկյուններից, սակայն բացահայտ է, որ այն չի բացառում սեցեսիայի (անջատման) իրավունքը: Այն, կարելի է ասել, չեզոք է սեցեսիայի հարցում, և անզամ լրելյամ, ոչ բացահայտ ձանաչում է վերջինիս իրավաչափությունը որոշ հանգամանքների առկայության դեպքում. մասնավորապես, եթե պետությունը մերժում է այսպես կոչված «ներքին» ինքնորոշման իրավունքը, խորական վերաբերմունք է որևէ սույնում տարածքի ժողովուրդ նկատմամբ, և կամ առկա են մարդու իհմնարար իրավունքների լուրջ խախտումներ: Ի դեպ, այս տեսակետի կողմնակիցն են շատ հեղինակավոր գիտնականներ, ինչպիսիք են Զ.Կրոուֆորդը, Կասետեն և այլք²:

Փաստորեն միջազգագային իրավունքը չի բացառում «սեցեսիայի իրավունքը», սակայն դա տրամաբանորեն չի կարող պատկանել պետության ողջ բնակչությանը, այլ միայն բնակչության կամ «ժողովուրդի» մի մասին: Եվ եթե շարժվենք այն տրամաբանությամբ, որ միջազգագային իրավունքի տեսանկյունից միայն պետության ողջ

¹ St' u, օրինակ՝ Kohen M.G., Secession, Cambridge University Press 2006, էջ 9:

² Declaration on Principles of International Law concerning Friendly Relations and Cooperation among States in accordance with the Charter of the United Nations. General Assembly Resolution 2625 (XXV). UN Doc. A/Res/2625 (24 October 1970). St' u, կամ առկա է՝ www.un-documents.net/a25r2625.html

³ St' u Cassese A., Self-Determination of Peoples: A legal Reappraisal, Cambridge, Cambridge University Press 1995, էջ 118: St' u Crawford J., The Creation of States, Oxford University Press, 2006, էջ 119-128:

բնակչությունն է համարվում «ժողովուրդ», ստացվում է, որ այդ ժողովորդի մի մասն էլ «Վերաձգում է ժողովորդի», եթե նայո պետությունը վերջինիս նկատմամբ խտրական վերաբերմունք է դրանորում: Այսինքն՝ նման պնդումները ոչ միայն իրավական տեսանկյունից իհմնավորված չեն, այլ նաև անտրամաբանական են:

Ավելին, Միջազգային պայմանագրերի իրավունքի մասին 1969թ. կոնվենցիայի 31-րդ հոդվածի պայմանագրի մեկնաբանման վերաբերյալ պահանջներից («Պայմանագրի պետք է բարեխղճորեն մեկնաբանվի պայմանագրի հասկացությունների և դրանց համատեքստում ունեցած սովորության նշանակությանը համապատասխան....») ակնհայտ է դաշնում, որ անգամ չանդրադառնալով «ժողովուրդ» բարի սոցիալական կամ այլ սահմանումներին պետության բնակչության մի մասն էլ կարող է համարվել ժողովուրդ (ազգային փոքրամասնությունները, նախարնիկներ և այլն) Միջազգային իրավունքի սկզբունքների մասին հոչակագրի համատեքստում տեղ գտած «ժողովուրդ» հասկացության սովորության նշանակությանը համապատասխան: Մանավանդ որ այս տեսակետը պաշտպանում են ոչ միայն շատ հեղինակավոր գիտնականներ, այլ նաև, օրինակ, Մեծ Բրիտանիայի կառավարությունը¹, այս եզրակացության է հանգել նաև Կանադայի Գերագույն դատարանը 1998թ. Քվեբեկի (Կանադայի նահանգ) գործը քննելիս՝ մասնավորապես նշելով. «Պարզ է, որ գոյություն ունեցող պետության բնակչության մի մասն էլ կարող է համարվել «ժողովուրդ»...»²: Այստեղից հետևում է, որ այս տեսակետը արտացոլում է նաև պետությունների պրակտիկայի արդի զարգացումները: Եվ, փաստորեն, «Ժամկետանց» են և չեն համապատասխանում ժամանակակից միջազգային հարաբերությունների պրակտիկային որոշ հետինակների եզրահանգումները առ այն, որ թեև միջազգային-իրավական փաստաթղթերը թույլ են տալիս նաև պետության բնակչության մի մասը համարել «ժողովուրդ», սակայն պետությունների պրակտիկայում «ժողովուրդ» եզրույթը ունի ներ նշանակություն և վերաբերում է միայն պետության ողջ բնակչությանը³:

Անհերեթ են նաև շվեյցարացի պրոֆեսոր Մարտելո Կոհենի եզրահանգումները առ այն, որ «.... ի վերջու անկախ պետության ստեղծման հարցում հաջողությունն է, որ «ոչ ժողովուրդ» համայնքը վերածում է ժողովորդ»⁴: Առավել ևս, հաշվի առնելով նաև այն հանգանաքը, որ միջազգային հարաբերությունների պատմության ընթացքում հաճախ հազարամյակների պատմություն և մշակույթ ունեցող ժողովուրդները հայտնվել են տարբեր պետությունների իշխանության ներքո՝ բնակչության չորս պահանջանելով «ժողովուրդ» լինել: Օրինակ՝ Հունաստանը, որն ունի հազարամյակների պատմություն և համարվում է արևմտյան քաղաքակրթության բնօրրանը, 15-րդ դարում կորցրել էր պետականությունը ու մոտ չորս դար գտնվում էր Օսմանյան կայսրության կազմում: Ի վերջու 19-րդ դարի կեսերին ազգային-ազատագրական պայքարի շնորհիվ հոյսն ժողովուրդին հաջողվեց վերականգնել անկախությունը (հ-

¹ Agreement between the United Kingdom Government and the Scottish Government on a referendum on independence for Scotland, Edinburgh (15 October 2012). Տեղեկերյունը հասանելի է՝ <http://www.gov.scot/About/Government/concordats/Referendum-on-independence%20agreement>:

² Reference re Secession of Quebec, Case # 25506 // Supreme Court of Canada (Judgment of 20 August 1998), § 124 . Տեղեկությունը հասանելի է՝ <http://scc-csc.lexum.com/scc-csc/scc-csc/en/item/1643/index.do> կայքում:

³ Stéphane Cohen M.G., Secession, Cambridge University press 2006, էջ 9-11:

⁴ Stéphane Cohen նույն տեղում, էջ 12:

հարկե 19-րդ դ. գերտերությունների աջակցությամբ և ի պատիվ վերջիններիս¹: Սակայն հույն ժողովուրդը, գտնվելով թուրքական լծի տակ և փաստորեն լինելով ազգային փոքրամասնություն Օսմանյան կայսրության կազմում, բնականաբար չէր դադարել ժողովուրդ կոչվել (առավել և այն չվերածվեց ժողովուրդի միայն պետականության վերականգնումից հետո), որն ունի պատմականորեն իրեն պատկանող տարածք, հազարամյակների պատմություն և իրավունք՝ վերականգնելու կորցրած պետականությունը: Սանապահ ԵԱՀՆ 1975թ. Եզրափակիչ ակտը սահմանում է, որ իրավահավասարության և սեփական ճակատագիրը որոշելու իրավունքը պատկանում է բոլոր ժողովուրդներին և միշտ, այլ ոչ թե միայն անկախ պետականություն ստեղծելուց հետո:

Իսկ ինչ վերաբերում է սեցեսիայի հակասությանը միջազգային իրավունքի նորմերին, ապա այս առումով առավել հետաքրքրական է նաև ՄԱԿ-ի Միջազգային դատարանի կողմից Միջազգային իրավունքի նորմերին Կոսովոյի անկախության միակողմ հրչակագրի համապատասխանության վերաբերյալ տրված խորհրդատվական եզրակացությունը: Այս գործով Դատարանը նախ ընդգծեց, որ Միջազգային իրավունքի սկզբունքների մասին 1970 թ. հրչակագիրն ունի սովորության բնույթ, այնուհետև նշեց, որ «միջազգային իրավունքում գոյություն չունի որևէ նորմ, որը կարգելի անկախության հրչագրերի ընդունումը»²: Դեռ ավելին, Դատարանը տվյալ գործով նշել էր, որ «18-րդ, 19-րդ և 20-րդ դարերի ընթացքում անկախության հրչակագրերը հաճախ ընդունվել են այն պետության ուժին դիմադրության պայմաններում, որի մասը կազմում էր անկախություն հրչակած պետությունը: Սակայն պետությունների պրակտիկայում չկա որևէ դեպք, որ կՎայի, որ անկախության հրչակումը հակասում է միջազգային իրավունքին», և հավելեց, որ «20 դարի միջազգային իրավունքի հիմնական ծեռքբերումներից մեկը ինքնորոշման իրավունքի գարգացումն էր»³:

Միևնույն ժամանակ, Դատարանը վերոհիշյալ խորհրդատվական եզրակացությունում չանդրադարձավ ինքնորոշման իրավունքի բովանդակությանը, ինչպես նաև անջատման (սեցեսիայի) իրավունքի գոյությանը և պայմաններին՝ պատճառաբանելով, որ «այդ հարցերի պարզաբանման անհրաժեշտությունը չկա այս գործում: Գլխավոր ասամբեան պահանջել է միայն Դատարանի կարծիքը այն հարցի շուրջ, թե արդյոք Կոսովոյի անկախության միակողմ հրչակումը համապատասխանում է միջազգային իրավունքի նորմերին, թե ոչ»⁴: Սակայն ակնհայտ է, որ այս գործը փայլուն առիթ էր, որ Դատարանը՝ որպես հեղինակավոր միջազգային մարմին, որոշակի հստակեցում մտցներ այն հարցերի վերաբերյալ, որոնք, ինչպես հենց Դատարանը նշեց այս գործով, տարածայնությունների և վեճերի տեղիք են տալիս:

Այսպիսով կարելի եզրակացնել, որ միջազգային իրավունքը, հաստատելով ինքնորոշումը որպես միջազգային իրավունքի համապարտադիր սկզբունք, որը պատկանում է բոլոր ժողովուրդներին, և վերջինս հայտարարելով անկախ պետությունների ստեղծման հիմք չի բացառում տարածքի նկատմամբ տիտղոսի ան-

¹ Տե՛ս Պրոտոպով Ա. Ս., Կօզմենկօ Վ. Մ., Ելմանօվ Հ. Ս., Իստորիա մеждународных отношений и внешней политики России 1648-2000, Москва 2001г., էջ 38-40:

² Accordance with International Law of the Unilateral Declaration of Independence in Respect of Kosovo, Advisory Opinion // International Court of Justice (2010), §§ 79, 80. Տեղեկությունը հասանելի է՝ <http://www.icj-cij.org/docket/files/141/15987.pdf>. Կայքում:

³ Նոյս տեղում, § 79.

⁴ Նոյս տեղում, § 83.

ցումը մայր պետությունից անջատվող, սեցեսիայի ենթարկվող պետությանը: Այլ չափորոշիչներ անջատման (սեցեսիայի) հրավունքի գոյության և պայմանների վերաբերյալ միջազգային-հրավական փաստաթղթերում չկան: Այսինքն, միջազգային հրավունքը չի արգելում սեցեսիան. այն ունի չեզոք դիրքորոշում այդ հարցում: Սակայն սա բնակ չի նշանակում, որ բոլոր էթնիկ կամ կրոնական խմբերը իրավունք ունեն անջատում պահանջել վկայակոչելով ինքնորոշման իրավունքը: Ինչպես նշում է Բեռլինի համալսարանի արոֆեսոր Քրիստիան Թումաշետը, համաշխարհային քառու կակսվի, եթե, օրինակ, Կամերունի կամ Նիգերիայի (այստեղ բնակվում են մոտ 250 էթնիկ և 120 լինզպիստիկ խմբեր) նման պետությունների էթնիկ խմբերը պահանջեն անջատում¹: Հետևաբար, քանի դեռ գործող միջազգային-հրավական փաստաթղթերը չեն ներառում սեցեսիայի իրավունքի իրավանացման լրացուցիչ չափորոշիչներ, որոնք կհստակեցնեն այն պայմանները, թե երբ ազգերի ինքնորոշման իրավունքը կարող է իրականացվել՝ անջատման և անկախ պետության ստեղծման ձևով, բնականաբար ինքնորոշման իրավունքը չի կարող դիտվել որպես սեցեսիայի անսահմանափակ իրավունք բոլոր էթնիկ խմբերի համար և պետք է կիրառվի սահմանափակ դեպքերում: Միևնույն ժամանակ հարկ է նշել, որ նման չափորոշիչների բացակայությունը ինքնորոշման իրավունքի անհարկի շահարկումների տեղիք է տալիս, և որ ամենամտահոգիչն է, նման պահանջները հաճախ վերածվում են արյունահետ պատերազմների: Այս առօտնով խիստ անհրաժեշտ է ունենալ միջազգային լծակներ, որոնք կլուծեն հակասական խնդիրները՝ հաշվի առնելով, իհարկե, ներկայիս մարտահրավերները:

Սեցեսիայի խնդրի ուսումնասիրությունը լիարժեք չի լինի իհարկե, եթե չափորադառնանք պետությունների ժամանակակից պրակտիկային: Ստորև կքննարկենք արդի ժամանակաշրջանում տեղ գտած երեք սեցեսիայի պահանջի դեպքեր:

Քվերեկը նախկինում ֆրանսիական գաղութ էր. 1763թ. Ֆրանսիան այն զիցեց Մեծ Բրիտանիային²: Նահանգի բնակչության ճնշող մասը ֆրանսախոս է: Այսօր Քվերեկը Կանադայի տասը նահանգներից մեկն է: 1976թ. Քվերեկում ընտրություններին հաղթեց Parti Québécois քաղաքական կուսակցությունը, որի հիմնական նպատակը Քվերեկի անկախությունն էր Կանադայից: 1980թ. և 1995թ. Քվերեկում անցկացվեցին անկախության հանրաքեններ, սակայն նահանգի բնակչության մեծ մասը քերարկեց «դեմ» (1980թ.՝ 59.6 %, իսկ 1995թ.՝ 50.58%)³: Վերջին հանրաքերի արյունքները հիմք հանդիսացան, որ Կանադայի կառավարությունը ոիմեր Կանադայի Գերագույն դատարան՝ Քվերեկի միակողմանի սեցեսիայի վերաբերյալ խորհրդատվական եզրակացության պահանջով: Դատարանը 1998թ. օգոստոսի 20-ին ներկայացրեց իր խորհրդատվական եզրակացությունը, որտեղ նշեց, որ թեև Կանադայի գործող սահմանադրությունը ոչ արգելում և ոչ էլ թույլատրում է սեցեսիա, սակայն դա կպահանջի սահմանադրական փոփոխություններ, և հավելեց, որ «ժողովրդավարության սկզբունքը» պահանջում է, որ «յուրօք կշիռ տրվի Քվերեկի ժողովրդի բացահայտ կամարտահայտությանը Կանադայից անջատվելու հարցում»⁴:

¹ St'u Kohen M.G., Secession, Cambridge University Press 2006, էջ 29:

² St'u, օրինակ՝ Crawford J., The Creation of states in International law, Oxford 2006, էջ 411:

³ St'u Dumberry P., Lessons learned from the Quebec Secession Reference before Supreme Court of Canada, Kohen M., Secession, Cambridge University Press. 2006, էջ 416-453:

⁴ St'u Reference re Secession of Quebec (1998) SCJ No61, para 87. Տեղեկությունը հասանելի է <http://scc-csc.lexum.com/scc-csc/scc-csc/en/item/1643/index.do> կայքում:

Այսինքն՝ մի կողմից Կանադայի Գերագույն դատարանը մերժեց սեցեսիայի իրավաչափությունը՝ Կանադայի սահմանադրության հիման վրա, ինչպես նաև սեցեսիայի իրավական հիմնավորվածությունը միջազգային իրավունքի տեսանկյունից, մյուս կողմից՝ շեշտադրեց բոլոր կողմերի պարտականությունը՝ բանակցելու սեցեսիայի պայմանները սահմանադրական փոփոխությունների միջոցով, այն դեպքում, երբ Քվեբեկի բնակչությունը միանշանակ և պարզ ցանկություն հայտնի Կանանադայից անջատվելու հարցում: Իհարկե այն հանգամանքը, որ այդ բանակցությունների կողմ են ոչ միայն Քվեբեկի և Կանադայի կառավարությունները, այլ նաև Երկրի մյուս նահանգները և «այլ մասնակիցներ»¹, փոքր-ինչ նվազեցնում է համապատասխան սահմանադրական փոփոխությունների հավանականությունը, սակայն, ինչպես հենց Դատարանն է նշել, մյուս նահանգները և կենտրոնական կառավարությունը չեն կարող բանակցել «այնպես, որ մերժվի Քվեբեկի իրավունքները»².

Կանադայի Գերագույն դատարանի այս եզրակացությանը, կարելի ասել, որ և՝ Կանադայի, և՝ Քվեբեկի կառավարությունները համարեցին բավականին հավասարակշռված ու հաջողված³: Ավելին, այն իհարկե չքացարեց սեցեսիան, այլ միայն պարտավորեցրեց կողմերին՝ բանակցել Քվեբեկի անկախության շուրջ՝ հաշվի առնելով Քվեբեկի բնակչության իրական ցանկությունները:

Միջազգային իրավունքի տեսանկյունից Կանադայի Գերագույն դատարանի այս եզրակացությունը ևս կարելի է համարել բավականին դրական: Նախ՝ Կանադայի Գերագույն դատարանը սահմանեց, որ պետության բնակչության մի մասն էլ կարող է «ժողովուրդ» հանդիսանալ միջազգային իրավունքի տեսանկյունից: Երկրորդ՝ Կանադայի Գերագույն դատարանը չբացարեց սեցեսիան ապագալորդացման համատեքստից դուրս և անդրադարձավ այն հանգամանքներին, որոնց առակայության դեպքում միակողմանի սեցեսիան իրավաչափ է: Երրորդ՝ Դատարանը թեև նշեց, որ միջազգային իրավունքը ոչ թույլատրում է, ոչ էլ արգելում սեցեսիան, և բացահայտ չանդրադարձավ պետությունների պարտավորությանը՝ հարգել և խրախուսել ժողովուրդների ինքնորոշման իրավունքի իրականացումը, սակայն Դատարանի շեշտադրած պետության պարտականությունը՝ լուրջ կշիռ տալ Քվեբեկի ժողովորդի բացահայտ կամարտահայտությանը՝ Կանադայից անջատվելու հարցում և չմերժել Վերջինիս իրավունքները, ոչ այլ ինչ է, քան ժողովուրդների ինքնորոշման իրավունքը հարգելու և խրախուսելու պետությունների միջազգային պարտավորության հաստատում: Իսկ ինչ Վերաբերում է Դատարանի մատնանշած ժողովորդավարության սկզբունքին, ապա ակնհայտ է, որ իրական ժողովորդավարության կարևորագույն բաղադրատարրերից է հարգանքը ժողովուրդների ինքնորոշման իրավունքի նկատմամբ: Այսպիսով կարելի ասել, որ թեև Կանադայի Գերագույն դատարանի վերոհիշյալ խորհրդատվական եզրակացությունը միջազգային իրավունքի աղբյուր չէ, այլ լոկ ներպետական դատարանի խորհրդատվական

¹ Դատարանի «այլ մասնակիցներ» արտահայտությունը հավանաբար ուղղված է Կանադայի տեղաբնիկ ժողովուրդներին, քանզի Դատարանը իր եզրակացության մեջ ամենուրեք շեշտում է, որ «տեղաբնիկների շահերը պետք է հաշվի առնեն»: Reference re Secession of Quebec, 1998 SCJ No61, para 96, 139: Տեղեկությունը հասանելի է՝ <http://scc-csc.lexum.com/scc-csc/scc-csc/en/item/1643/index.do> կայքում:

² Տես Reference re Secession of Quebec, 1998 SCJ No61, para 93: Տեղեկությունը հասանելի է՝ <http://scc-csc.lexum.com/scc-csc/scc-csc/en/item/1643/index.do> կայքում:

³ Տես օրինակ, P. Dumberry «Lessons learned from the Quebec Secession Reference before Supreme Court of Canada», M. Kohen, Secession, Cambridge University Press 2006, էջ 416-453:

կարծիք է, սակայն կարող է կարևոր նախադեպ դաշնալ ժամանակակից աշխարհում սեցեսիայի վերաբերյալ Վեձերի կարգավորման հարցում: Մասնավորապես, Կանադայի Գերազույն դատարանը հատուկ շեշտեց բանակցությունների կարևորությունը, բարի կամքի դրսերումը և սեցեսիայի գործընթացի իրականացումը ժողովրդավարության և փոքրամասնությունների իրավունքների հարգման սկզբունքների հիման վրա:

Վեջին շրջանում միջազգային հարաբերությունների առավել քննարկված իրադարձությունների թվին է պատկանում Շոտլանդիայի անկախության վերաբերյալ հանրաքվեն, որը տեղի ունեցավ 2014թ. սեպտեմբերի 18-ին: Հանրաքվեի հարցը մեկն էր՝ արդյո՞ք Շոտլանդիան պետք է դաշնա անկախ պետություն, թե՞ ոչ: Հանրաքվեին կարող էին մասնակցել Շոտլանդիայի 16 տարին լրացած քնակիչները, և նրանց մեծամասնությունը՝ 55,3%-ը, անկախությանը դեմ քվեարկեց: Արդյունքում Շոտլանդիան շարունակեց մնալ Մեծ Բրիտանիայի կազմում¹:

2011թ. Շոտլանդիայի պառամենտական ընտրություններում հաղթեց Շոտլանդիայի ազգային կուսակցությունը (SNP- Scottish National Party), որի հիմնական նպատակն էր 300 տարի առաջ կորցրած անկախության վերականգնումը: 2012թ. հոկտեմբերի 15-ին Մեծ Բրիտանիայի վարչապետ Դեվիդ Կեմերոնը և Շոտլանդիայի առաջին նախարար Ալեքս Սալմոնը Եղինքուրգում ստորագրեցին համաձայնագիր (Edinburgh Agreement)²՝ Շոտլանդիայի անկախության վերաբերյալ հանրաքվե անցկացնելու շուրջ: Այս համաձայնագրով երկու կառավարությունները պայմանավորվեցին մասնավորապես, որ «այդ հանրաքվեն պետք է արդար քննություն լինի և ներկայացնի Շոտլանդիայի ժողովուրի հստակ կամարտահայտությունը», և հավելեցին, որ «...այդ հանրաքվեի արդյունքները պարտավոր են հարգել բոլորը»³:

Այլ կերպ ասած վերոհիշյալ համաձայնագիրը հաստատեց, որ Շոտլանդիան կարող է անկախ պետության վերածվել միայն Շոտլանդիայի ժողովրդի որոշչի կամարտահայտության դեպքում, այսինքն՝ հիմնված լինի Շոտլանդիայի ժողովրդի ինքնորոշման իրավունքի իրացման վրա: Ու թեև այս փաստաթյունը «ինքնորոշում» եղրույթ որկիցե տեղ չի գործածվում, սակայն Մեծ Բրիտանիան իրական ժողովրդավարական պետությանը հարիր «արժանապատվությամբ» հաստատեց իր միջազգային-հրավական պարտականությունը՝ հարգել այդ իրավունքը և խրախուսել որա իրացումը, եթե անզամ նման իրացումը հանգեցնի պետության տարածքի սեցեսիայի:

Այս արիթրով առավել դիպուկ արտահայտվեց Կատալոնիայի կառավարության նախագահ Արտուր Մասը՝ վերոհիշյալ հանրաքվեն անվանելով «Մեծ Բրիտանիայի կողմից ողջ աշխարհին տրված ժողովուրիավարության դաս»⁴: Այլ կերպ ասած՝ Մեծ Բրիտանիայի կառավարությունը չփորձեց իրավական և քաղաքական խոչընդոտներ ստեղծել շոտլանդական ժողովրդի ինքնորոշման իրավունքի իրացման հարցում, այլ ժողովրդավարական ամենատարածված և հայտնի մեթոդով՝ հանրաքվեի

¹ Տեղեկությունը հասանելի է՝ <https://www.gov.uk/government/topical-events/scottish-independence-referendum/about#what-was-the-process> կայքում:

² Agreement between the United Kingdom Government and the Scottish Government on a referendum on independence for Scotland, Edinburgh (15 October 2012). Պայմանագիր սերտապահությունը հասանելի է՝ <http://www.scotland.gov.uk/About/Government/concordats/Referendum-on-independence> կայքում:

³ Տեղեկությունը հասանելի է՝ <http://www.catalanviews.com/node/115> կայքում:

անցկացմանը, կատարեց իր պարտականությունը՝ հարգել և խրախուսել ժողովուրդների ինքնորոշման իրավունքի իրացումը: Մասնավորապես, Մեծ Բրիտանիան աշխարհին մեկ անգամ ևս ապացուցեց, որ ժողովուրդավարությունը չի ավարտվում դեմագոգիական ճառերով և պառլամենտական երգիծական բանավեճերով, այլ ենթադրում է լուրջ քայլեր՝ ուղղված պետության միջազգային-իրավական պարտականությունների կատարմանը, այդ թվում, իհարկե, ժողովուրդների ինքնորոշման իրավունքի հարգման և մարդու իրավունքների պաշտապանության ոլորտներում: Ու թեև միջազգային-իրավական ծևակերպությունը շատ դեպքերում ընդհանուր են, երկիմաստ և ոչ բավականին հստակ, սակայն ժամանակակից իրական ժողովուրդավարության չափորոշիչները պահանջում են, որ դրանք մեկնաբանվեն բարեխսնօրեն և համատեքստի սովորության նշանակությանը համապատասխան, այսինքն՝ Միջազգային պայմանագրերի իրավունքի մասին 1969թ. կոնվենցիայի 31 հոդվածի պահանջներին հարիր:

Կատալոնիան որպես անկախ պետություն հիմնադրվել է 1640թ., սակայն 1714թ. Իսպանիայի թագավոր Ֆիլիպ IV-ը նվաճում է այն և միացնում իր պետությանը¹: Այսօր Կատալոնիան Իսպանիայի 17 ինքնավար մարզերից մեկն է:

2013թ. հունվարին Կատալոնիայի պառլամենտը ընդունեց հռչակագիր Կատալոնիայի ինքնիշխանության մասին (The Catalan Sovereignty Declaration), որը հայտարարում է, որ Կատալոնիան ինքնիշխան է, և որ կատալոնացիները իրավունք ունեն ընտրելու իրենց քաղաքական ապագան: Սակայն Իսպանիայի Սահմանադրական դատարանը 2014թ. մայիսի 25-ին այս հռչակագիրը անվավեր ճանաչեց²: 2014թ. Կատալոնիայի պառլամենտը դիմեց Իսպանիայի կառավարությանը՝ ինքնորոշման հանրաքվե անցկացնելու լիազորությունների պահանջով (ինչպես Շոտլանդիայի դեպքում), սակայն Իսպանիայի կառավարությունը մերժեց: Ի վերջո 2014թ. սեպտեմբերի 27-ին Կատալոնիայի նախագահը ստորագրեց հրամանագիր Կատալոնիայիում անկախության վերաբերյալ քվեարկություն անցկացնելու մասին: Իսպանիայի Սահմանադրական դատարանը 2014թ. սեպտեմբերի 29-ին որոշեց կասեցնել այդ հրամանագիրը: Սակայն Կատալոնիայի նախագահը 2014թ., հոկտեմբերին հայտարարեց նոր քվեարկություն անցկացնելու մասին՝ ազատ և դեմոկրատական ձանապարհով որոշելու իրենց երկրի ապագան³: Չնայած Իսպանիայի կառավարության առարկություններին՝ 2014թ. նոյեմբերի 9-ին Կատալոնիայում անցկացվեց քվեարկություն, որի մասնակիցների 80.76 տոկոսը «կողմ» քվեարկեց անկախությանը, 4.54 տոկոսը՝ «դեմ»: Այս փաստը Իսպանիայի վարչապետը անվանեց «քաղաքական ֆարս» և հավելեց, որ «ինքը կը նաև արդեռ հայցը բացի հասպանիայի միասնականությանը վերաբերող հարցերից»⁴: Իսպանիայի կառավարությունը ոչ միայն հանրաքվեն համարում է հակասահմանադրական, այլև անգամ չի ցանկանում բանակցել Կատալոնիայի ներկայացուցիչների հետ Կատալոնիայի անկախության շուրջ:

Այս իրավիճակը հանգեցրեց այն բանին, որ 2014թ. նոյեմբերին Եվրոպայի, Իս-

¹ Տեղեկությունը հասանելի է՝ <http://www.cataloniavotes.eu/history/> կայքում:

² Նոյեմբերի 2013:

³ Տեղեկությունը հասանելի է՝ <http://www.cataloniavotes.eu/why-a-independence-referendum-in-catalonia/> կայքում:

⁴ Նոյեմբերի 2013:

պանիայի և Կատալոնիայի պառամենտների երկու հարյուրից ավելի անդամներ ողոշեցին Իսպանիայի կառավարության դեմ բողոք ներկայացնել միջազգային կազմակերպություններ՝ ՄԱԿ, Եվրոպական պառամենտ, Եվրոպական հանձնաժողով, Եվրոպայի խորհուրդ, ԵԱՀՆ: Նրանք մեղադրում են Իսպանիայի կառավարությանը կատալոնական ժողովողի ինքնորշման իրավունքը մերժելու համար, և խնդրում են միջազգային կազմակերպություններին՝ քայլեր ձեռնարկել, որ Կատալոնիայի բնակչությունը հնարավորություն ունենա որոշելու իր ապագան: Նրանք նշում են. «21-րդ դարում ինքնորշման իրավունքի իրացումը պետք է թույլ տա ժողովուրդներին՝ ժողովրդական ճամապարհով որոշելու իրենց ապագան»: Այս փաստաթուրը ստորագրել են 1.4 միլիոն կատալոնացիներ:

Իհարեկ Իսպանիայի դիրքորոշումը եզակի չէ, այս խնդիրն ունեցող պետությունների մեծ մասը բացասական և «խանդու» վերաբերմունք է դրսնորում սեփական տարածքի սեցեսիայի նկատմամբ: Միևնույն ժամանակ, ինչպես նշել է ՄԱԿ-ի Միջազգային դատարանը Միջազգային իրավունքի նորմերին կոսովոյի անկախության միակողմ իրշակագրի համապատասխանության վերաբերյալ խորհրդատվական եզրակացությունում. «18-րդ, 19-րդ և 20-րդ դարերի ընթացքում անկախության հրաշակագրերը հաճախ ընդունվել են այն պետության ուժգին դիմադրության պայմաններում, որի մասը կազմում էր անկախություն իրշակած պետությունը: Սակայն պետությունների պրակտիկայում չկա որևէ դեպք, որը կվկայի անկախության իրշակումը հակասում է միջազգային իրավունքին»: Իսկ որ դեպքերը կարող են զարգանալ այնպես, որ անկախության իրշակագիրն ընդունվի առանց Իսպանիայի համաձայնության, չի բացառում նաև Կատալոնիայի կառավարությունը:

Միևնույն ժամանակ հարկ է նշել, որ, չնայած հակադիր դիրքորոշումներին, Իսպանիան և Կատալոնիան շարունակում են հավատարիմ մնալ համամարդկային, Եվրոպական արժեքներին և փնտրում են ստեղծված իրավիճակի բացառապես խաղաղ, քաղաքական լուծում:

Ընդհանրացնելով վերոգրյալը՝ կարելի է ասել, որ սեցեսիայի պահանջներ այսօր հնչում են աշխարհի գորեք բոլոր ծայրերում, այդ թվում՝ նաև Եվրոպական շատ պետություններում: Որքան էլ որ պետությունների դիրքորոշումները սեցեսիայի նկատմամբ տարբեր են, այնուամենայնիվ մի քան անվիճելի է. ոչ բոլոր սեցեսիայի պահանջները պետք է և կարող են ավարտվել սեցեսիայով, սակայն ոչ բոլորը պետք է մերժվեն: Քանզի, ինչպես նշում է հայտնի անգլիացի պատմաբան Արնոլդ Թոյնին, «համատեղ անվտանգությունը առանց տարածքային փոփոխությունների նման կյանքի ջրատարացուցիչ սարքի՝ առանց պաշտպանիչ փականի, որտեղ ջուրը մշտապես եռալու է, և ի վերջո կպայթի»²:

Իհարեկ կարելի պնդել, որ և Կանադայի Գերագույն դատարանի որոշումը, և Մեծ Բրիտանիայի ու Շոտլանդիայի միջև համաձայնագիրը գուտ ներպետական ակտեր են, որոնք որևէ նշանակություն չեն կարող ունենալ այլ պետությունների համար: Սակայն պատմության մեջ քիչ չեն դեպքերը, երբ պետությունների ներպե-

¹Accordance with International Law of the Unilateral Declaration of Independence in Respect of Kosovo, Advisory Opinion // International Court of Justice (2010), § 79. Տեղեկությունը հասանելի է՝ <http://www.icj-cij.org/docket/files/141/15987.pdf> կայրում:

² Ste'u Kasowicz A.M., Peaceful territorial change, University of South Carolina Press 1994, էջ 32:

տական ակտերը լուրջ ազդեցություն են ունեցել միջազգային իրավունքի հետազա զարգացումների վրա: Մասնավորապես, ԱՄՆ-ի 1787թ., Ֆրանսիայի 1791թ. և 1793թ. սահմանադրությունները, Ֆրանսիայի մարդու և քաղաքացու իրավունքների 1789թ. և միջազգային իրավունքի 1795թ. հռչակագրերը ամրագրում էին միջնադարին ոչ բնորոշ ժողովրդավարական մոտեցումներ, որոնք հետազայում լուրջ ազդեցություն ունեցան ոչ միայն միջազգային իրավունքի ընհանուր սկզբունքների ձևավորման վրա, այլ նաև իրենց արտացոլումը գտան մի շարք կարևորագույն միջազգային-իրավական փաստաթղթերում¹: Եվ այս առումով, իհարկե, Կանադայի և առավել ևս Մեծ Բրիտանիայի մոտեցումները կարող են կարևոր ու լուրջ նախադեպ դաշնալ՝ սեցեսիայի հետ կապված շատ այլ պահանջների լուծման հարցում: Մանավանդ, ինչպես ցույց է տալիս այս պետությունների փորձը, անկախության հանրաքվեի անցկացումը դեռևս չի կանխորոշում վերջինիս ելքը, ինչը ևս մեկ անգամ ապացուցում է այն տեսակետը, որ ժողովուրդները նախընտրում են ապրել ժողովրդավարական կայուն ավանդույթներ ունեցող պետություններում՝ վստահ, որ հետազայում ևս իրենց ինքնորոշման իրավունքը չի մերժվի՝ անգամ սեցեսիայի պահանջների դեպքում:

ПУТИ РЕШЕНИЯ ОСНОВНЫХ ПРОБЛЕМ, СВЯЗАННЫХ С РЕАЛИЗАЦИЕЙ НАРОДАМИ ПРАВА НА САМООПРЕДЕЛЕНИЕ В СОВРЕМЕННОЙ ПРАКТИКЕ ГОСУДАРСТВ

Сабина Мадоян

Соискатель Кафедры европейского и международного права ЕГУ

Статья посвящена изучению проблемы осуществления народами права на самоопределение и создания независимого государства в современном мире. На основании анализа международно-правовых документов, правовой позиции Международного суда ООН и практики государств обосновывается мысль о том, что международное право не исключает возможности создания независимого государства, как способа осуществления народами права на самоопределение. В качестве важных прецедентов в урегулировании проблем, связанных с требованиями независимости, автор рассматривает практику Великобритании и Канады.

¹ Տե՛ս, օրինակ՝ Բեկյաշև Կ.Ա., Международное право, 5-е изд., Москва, изд.«Проспект» 2010, էջ 78-80:

THE WAYS TO SOLVE THE MAIN PROBLEMS ASSOCIATED WITH THE IMPLEMENTATION OF THE RIGHT OF PEOPLES TO SELF-DETERMINATION IN THE MODERN PRACTICE OF STATES

Sabina Madoyan

PhD Student of the YSU Chair of European and International Law

The article is dedicated to the research of the problem of exercising the right to self-determination and creation of an independent State in the contemporary world. Through detailed analysis of international legal documents, the legal position of The International Court of Justice and practice of States, has been proved the idea that International Law doesn't exclude the creation of a new state as a form of exercising the right to self-determination. The practice of Great Britain and Canada is seen as important precedents for settlement of problems dealt with independence requests.

Բանալի բառեր –ժողովուրդների ինքնորոշման սկզբունք, անկախ պետության ստեղծում, միջազգային իրավունք, սեցսիա, Շոտլանդիայի անկախության վերաբերյալ հանրաքվե 2014թ., Միջազգային իրավունքի սկզբունքների մասին 1970թ. հոչակագիր

Ключевые слова: принцип самоопределения народов, создание независимого государства, международное право, сепаратизм, референдум в Шотландии 2014 год, Декларация о принципах международного права, касающихся дружественных отношений и сотрудничества между государствами 1970 года.

Key words: the principle of self-determination, the creation of an independent State, International Law, secession, Scotland referendum 2014, Declaration on Principles of International Law 1970.